



№2 (239)

**2021 чылдың
ФЕВРАЛЬ 26**

Айда чаңгыс катап үнер.
Садар өртээ дугуржулга ёзугаар.
gazeta.samagaltay@mail.ru

ШАГАА НА ТЕРРИТОРИИ ТЕС-ХЕМСКОГО КОЖУУНА

В целях организованного проведения мероприятий, посвященных празднованию национального праздника по лунному календарю Шагаа-2021 года на территории Тес-Хемского кожууна Администрацией муниципального района «Тес-Хемский кожууна Республики Тыва» приняты нормативно-правовые акты:

-Постановление коллегии администрации кожууна от 13 декабря 2021 года №08 «О подготовке и проведении народного праздника Шагаа в 2021 году на территории Тес-Хемского кожууна»;

-Постановление коллегии администрации кожууна от 08 февраля 2021 года №11 «Об обеспечении безопасности и правопорядка, профилактики преступности, пьянства во время празднования народного праздника Шагаа 2021 года на территории Тес-Хемского кожууна с 11 по 14 февраля 2021 года».

Во всех 7 сумонах кожууна проведены культурно-массовые и спортивные мероприятия, обряд «Чолукшулга», «Сан салыр», «Молебен», выезды на чабанские стоянки, тувинские национальные игры «Ажык шолге ойнаалынар», конкурсы традиционных костюмов и другие национальные традиционные игры, встречи с ветеранами и жителями сумонов. Всего по кожууну было запланировано 64 мероприятия, фактически проведено 192 мероприятия с общим охватом населения 4478 человек, в них приняли участие 2325 участников.

С 03 февраля организована республиканская акция «Лепи добро» на территории кожууна, всего приняли

участие 813 неравнодушных жителей кожууна (21470 пельменей). Оказана помощь 187 многодетным семьям, 68 малообеспеченным семьям, 211 пожилым людям.

На территории кожууна организована благотворительная акция «Буянный боорзак», приуроченная национальному празднику Шагаа, проводится в рамках месячника «Белый месяц». Благотворительная акция «Буянный боорзак» послужил хорошей школой для воспитания у детей и местного населения основ заботливого и осознанного отношения к окружающим их людям. Реализация акции способствует повышению чувства патриотизма и духовно-нравственного развития всех слоев населения, обогащению эмоционального мира участников с чувством ответственности, милосердия, сострадания; повышению нравственной культуры участников акции, формированию активной гражданской позиции участников акции., окажет посильную помощь семьям, пожилым людям, попавшим в трудную жизненную ситуацию, многодетным и малообеспеченным семьям. Заложит основы нравственности: терпение, понимание, любовь, уважение, милосердие нуждающимся слоям населения.

В рамках кожуунной благотворительной акции всего приняли участие 645 человек (работники культуры, общеобразовательных и дошкольных организаций, специалисты социальной сферы и контрольно-счетного органа,

местные депутаты и главы сельских поселений, общественные организации, арбаны, аймаки, индивидуальные предприниматели, администрации сельских поселений, учащиеся школ). Всего оказана помощь 206 семьям, из них 123 многодетным, 83 малообеспеченным, 217 пожилым людям. Организационный комитет выражает огромную благодарность всем участникам благотворительных акций «Лепи добро» и «Буянный боорзак» желаем Вам и Вашим близким крепкого здоровья, семейного благополучия и белой дороги!

По информации Комиссии по делам несовершеннолетних и защите их прав при Администрации Тес-Хемского кожууна на территории кожууна по состоянию на 1 января 2021 года всего детей- 3266, из них от 0 по 1 года -212 детей, от 0 до 14 лет -2857 детей, от 15 до 17 лет – 459 детей.

Всего по кожууну подучетных детей-107, КДНиЗП-5 детей, ПДН-17 детей, ВШУ-28 детей, СОП семьи-22, в них детей-57, до 1 года-5 детей, 1 беременная женщина. Всего на учете в женской консультации состоят 69 женщин.

Во время праздничных выходных на территории кожууна проведено 54 рейда, количество посещений неблагополучных семей-54, подучетных детей-112. Количество выявленных семей, находящихся в социально-опасном положении-1, в них детей-3. Количество помещенных в ЦСПСиД-2, количество впомещенных в ДСО-1.

Алдын-кыс Дагба
главный специалист по вопросам
материнства и детства Администрации
Тес-Хемского кожууна

ТЫВАДА ЭН ЭКИ УЛУСЧУ ЭГЕЛЭШКИННЕРНИ ШИЛИП ЭГЕЛЭЭН

улусчу эгелээшкинни чон ортузунга кал-баа-биле сайгарып чугаалашканы; улусчу эгелээшкинни боттандырганындан ооң ачы-дузазын алып чоннуң үлүг-хуузу; улусчу эгелээшкинни боттандырамынче бюджеттен дашкаар хаара туткан акша-хөреңгиниң хемчээли.

2,4 млн.руб. түңнүг бюджет акша-хөреңгизин-не бир улусчу эгелээшкинни боттандырамынче угландыраар. Субсидия бээриниң негелдеси езугаар, улусчу эгелээшкинниң инициаторлары бүдүрүлгө угланышкынныг төлөвилел боттандыраар деп турар болза, боттарындан 400 муң рубльди кириштирер ужурулуг. Чижээ, туризмни сайзырадыр, бүдүрүлгө база ачы-дуза чедирилгезиниң хемчээлин

углаттырар дээш бүдүрүлгө шөлдерин эде дерип-чепсеглээринче, чаартырынче угланган төлөвилелдер бооп болур.

А бир эвес эгелекчи төлөвилел социал угланышкынныг болза (этноковоркинг, ойнаар шөлдер организастаары, аржаан-нар аштап-арыглап, чаагайжыдары дээш, оон-даа өске), төлөвилелдин эгелекчизи 200 муң рубльди кады акшаландыраар көрдүнгөн.

Улусчу эгелээшкиннер боттаналгазы-биле, чурттакчылыг черлериниң социал-экономиктиг хөгжүлдө айтырыгларын шиитпирлээринге чонну хаара тудуп, бодунуң күш-ажылы дээш харысалганы бедидерин чедип алыры көрдүнгөн.

gov.tuva.ru

АДМИНИСТРАЦИЯ ТЕС-ХЕМСКОГО КОЖУУНА ОБЪЯВЛЯЕТ О НАЧАЛЕ ПРИЕМА ЗАЯВОК НАРОДНЫХ ИНИЦИАТИВ

Администрация муниципального района «Тес-Хемский кожуун Республики Тыва» информирует о начале приема заявок на участие в муниципальном конкурсном отборе лучших народных инициатив.

Для участия в конкурсе население от лица инициативной группы или общественных организаций иницируют народный проект, имеющий для жителей населенного пункта или его части приоритетное значение, и подают заявку в администрацию населенного пункта. Администрация населенного пункта на сходе граждан отбирает одну народную инициативу и направляет в администрацию муниципального района для участия в муниципальном конкурсном отборе лучших народных инициатив. Срок проведения

конкурсного отбора на муниципальном этапе – не позднее 12 марта 2021 г.

Лучшие народные инициативы, отобранные на муниципальном этапе, будут участвовать на республиканском конкурсе, по результатам которого выберут 10 лучших народных инициатив.

Победители получают субсидию на финансирование народной инициативы из республиканского бюджета Республики Тыва в размере 2 млн., и 400 тыс.руб. из местного бюджета.

Более подробную информацию об участии в конкурсе можно получить по телефонам: Дагба Алдын-кыс Хурен-Дашовна- 89133473644, Даваа Чойгана Валерьевна- 89232633744

ПИСЬМО ПОБЕДЫ: СКАЖИ «СПАСИБО» ЛИЧНО ДЕДУ

Сейчас из-за пандемии коронавируса невозможно, как раньше, прийти к ветеранам домой и пообщаться с ними за чашечкой чая. Но поддержать их можно с помощью писем. Волонтеры Победы призывают жителей нашей страны присоединиться к акции и написать свои слова благодарности, а волонтеры доставят их до ветеранов.

Для того чтобы принять участие в акции «Письмо Победы», необходимо:
Зайти на сайт волонтерыпобеды.рф.;
Кликнуть на баннер «Письмо Победы»;
Скачать бланк Акции «Письмо Победы» в формате А4;

Написать письмо-поздравление со словами благодарности ветерану Великой Отечественной войны;

Отсканировать бланк письма (при заполнении бланка вручную) или сохранить

Эксперттер: Тываның эрге-чагырга-зы республика хөгжүлдезиниң тускай программа боттанышкынының боттут түңнелдерин көргүскөн.

Тываның Баштыңы Шолбан Кара-оол регион хөгжүлдезиниң тускай программ-мазы-биле бирги объектини тутканын дыңнаткан. Завод демир-бетон кылыгларын бүдүрер. Эксперттер ону улуг ужур-уткалыг болуушкун деп санаан. Регион эрге-чагыргазының республиканың стратегтиг хөгжүлдезинче улуг сагыш салышкынының боттут үре-түңнелин чаа бүдүрүлгө бадыйкап турар.

Чаа завод тудуг тууйбузун, фундамент блоктарын, орук болгаш өске-даа ажил-чорудулга ажыглаар бетон кылыгларны бүдүрүп эгелээн.

За 2020 год в Республике Тыва заключены 391 социальных контрактов в целях оказания содействия гражданам, реализующим бизнес-проекты по направлению «Осуществление индивидуальной предпринимательской деятельности». Всего по данному направлению израсходовано 86 523,8 тыс. рублей, или исполнено на 100% от предусмотренного плана за этот год.

Производителям муки будет предоставлена компенсация на возмещение части затрат на закупку продовольственной пшеницы. При этом устанавливаются условия и порядок предоставления компенсации за счет средств федерального и республиканского бюджета.

Так, для получения компенсации у получателя должна отсутствовать просроченная задолженность по возврату в бюджет РТ компенсации, бюджетных инвестиций, неисполненных обязанностей по уплате налогов и сборов в соответствии с законодательством РФ. Также получатель не должен находиться в процессе реорганизации.

В 2021 году Масленицу отменят 14 марта. Чтобы понять, когда праздновать Масленицу, достаточно отнять от даты Пасхи 56 дней: это 48 дней Великого поста и неделю непосредственно самой Масленицы. В итоге в 2021 году сам праздник у нас выпадает на 14 марта, а масленичная неделя начинается с 8 марта.

С 1 марта до 30 июня 2021 года продавцы и владельцы агрегаторов с вырубкой, превышающей 30 млн рублей за предшествующий календарный год, должны будут обеспечить возможность принимать к оплате карту «Мир».

ИА «ТуваМедиаГрупп»

“ЭЗИРЛЕР УЯЗЫ”
ГУБЕРНАТОР ТӨЛЕВИЛЕЛИНИҢ ИЙИГИ ЭЭЛЧЭЭ

Тываның Баштыңы Шолбан Кара-оол Дээди Хуралдың депутаттарына 2021 чылда республикага боттандыраар ажыл-херектерниң дугайында айыткалын та-ныштырып тура, республиканың биче суурларына эгелээн “Эзирлерниң уязы” төлевилелдин бирги чадазы чедишкинниг боттанганын демдеглээн.

Тываның Баштыңының эгелээни төлевилелди тус чер чагыргалары, сумунуң чурттакчы чону база күүсекчи эрге-чагырга органы болур спорт яамызы демнежип, тускай спорт залдары чок биче суурларда “эзирлерниң уязын” айыттырган хуусаа-да тудуп дооскаш, ажылгалче киирген. Бо хүнде ында спортчу амыдырал хайныккан.

Ук төлевилелди 3 чылда боттандыраары көрдүнгөн болгаш, бо чылда кайы суур ол эргени алырынга шилилде шыңгыы болганын спорт яамызы дыңнаткан. Чоннуң изиг күзели, эрге-чагыргадан деткимче, оларның чаңгыс деми бар болза, кандыг-даа улуг үүле-херекти чаңгыс тыныш-биле бүдүрүп ап болурун, эрткен чылдың арга-дуржулгазы көргүскен. Ынчангаш бо чылда губернатор төлевилелинге киржир күзелди хей суурлар илереткен.

gov.tuva.ru

ТЫВА РЕСПУБЛИКАДА НАЗЫЛАП-КЫРААН БОЛГАШ ИНВА-
ЛИД КИЖИЛЕРНИ ҮР ҮЕДЕ АЖААП-КАРАКТААР СИСТЕМА
ДУГАЙЫНДА ЧУРУМНУ БАДЫЛААН

Тыва Республиканың Чазaa хамаатылар-га социал деткимче көргүзер күрүне про-граммаларын боттандыраары-биле, респу-бликада назылап-кыраан хамаатыларны база инвалид кижилерни үр үеде ажаап-карактаар система дугайында доктаалды хүлээп алган.

Ук системаны доктаамал дуза база үр үеде ажаалда ачы-дузазына херек ха-маатыларны хандыраар сорулга-биле тур-гускан. Ынаар ТР-ниң Күш-ажыл болгаш социал политика яамызы, ТР-ниң Кадык камгалал яамызы, өнчү хамаарылгазы чокка шупту эмнелге организациялары, чурттакчы чоннуң социал хандырылга болгаш социал камгалал организацияла-ры хаара туттунар. Яамылар салдынган сорулгаларын чедип алып дээш, ведом-стволар аразына кады ажылдажылганың арга-хевирлерин сайзыраңгайжыдып, ачы-дуза чедирилгезиниң таарымчалыг арга-ларын тодарадып, ол хамаатыларны өг-бүлеге ажаап-карактаарына деткимчени көргүзер.

«Аарып-аржып, азы берттинип-кемдээ-нинден ийикпе, азы назылап-кыраан азы инвалид болганындан, амыдыралдың кол хереглелдерин боттары бүрүнү-биле хан-дырып шыдавас, шимчей албас апарган болгаш, кыдыындан деткимче-дузага хере-глелдиг кижилерни социал, эмчи ачы-дуза-ларны база өг-бүлеге доктаамал хайгаарал чорудар элээн хемчеглерни ында киирген» - деп, республиканың социал политика яа-

Республиканың Спорт яамызы суурун-да спортчу инфраструктура шуут чок 15 чурттакчылыг черлер шилиттингенин дыңнаткан. Бо 2021 чылда Барыын-Хемчик кожууннуң Шекпээр, Бай-Тайга кожууннуң Шуй, Чөөн-Хемчик кожууннуң Шеми, Улуг-Хем кожууннуң Арыг-Бажы; Би-Хем кожууннуң Хадың; Сүт-Хөл кожууннуң Ишкин; Таңды кожууннуң Арыг-Бажы; Эр-зин кожууннуң Мөрен; Каа-Хем кожууннуң Суг-Бажы; Өвүр кожууннуң Солчур; Тере-Хөл кожууннуң Кунгуртуг; Тожу кожууннуң Тоора-Хем; Тес-Хем кожууннуң Чырга-ланды, Чаа-Хөл кожууннуң Булуң-Терек; Чеди-Хөл кожууннуң Сайлыг суурларга “Эзирлерниң уязы” туттунар.

Тываның Баштыңы айыткалында, “төлевилелдин негелделери ол-ла хевээр артар. Республиканың Чазaa тудуг мате-риалдарына акша-хөреңгини үндүрер, суурларның чурттакчылары боттарының холдары-биле тудар. Муниципалдыг орган-нар биче спорт залдарының девискээриниң чаагайжыдылгазын харыылаар, ол ышкаш акшаландырыышкына боттарының үлүүн киирер” дээнин сагындыраал.

gov.tuva.ru

мызы тайылбырлаан.

Хамаатыларга эмчи болгаш социал угла-ныышкынныг деткимче хемчеглеринде шинчилге, эмнээшкин, реабилитация бол-гаш психологтук деткиишкин, ажаап-ка-рактаары кирип турар. Ол социал ханды-рылганы бажыңына азы стационаржыткан таарымчалыг, чаңчыкканы черге чедирер. Эмнээшкин-реабилитация хемчеглериниң планын доктаамал дуза хереглээр кижиниң чурттап турар черинде улуг кижилерге бир-ги эмчи-санитар дузазының эмнелге орга-низациязы боттандыраар.

Тыва Республикада «Көжүр чоруур бри-гада», «Чанынга олурар кижиче ачы-дуза-зы», «Назылаан кижини азыраар өг-бүле», «Ажаап-карактаарының школазы», «Кады карактажып чурттаары» дээн ышкаш, ста-ционар черлерни солуптар болгаш үр үеде ажаалда-хайгааралды чорудар арга-хевир-лерни ажыглаар.

Системаны 3 чадада боттандыраар. 2021 чылда, бирги чадазында – Кызыл, Таңды кожууннарга база Кызыл хоорайга ол ажылдап эгелээр. Улуг-Хем, Чөөн-Хемчик, Барыын-Хемчик, Сүт-Хөл, Чеди-Хөл, Каа-Хем база Би-Хем кожууннарга 2022 чыл-да ийиги чаданы боттандыраар. А 2023 чылда, үшкү төнчү чадазынче Бай-Тайга, Мөңгүн-Тайга, Өвүр, Тес-Хем, Тожу, Тере-Хөл, Чаа-Хөл, Эрзин кожууннар база Ак-Довурак хоорай кирген.

gov.tuva.ru

“СОЦИАЛ КЕРЭЭ” ПРОГРАММАЖЕ
ӨСКЕРЛИИШКИННЕРНИ КИИРГЕН

Бо чылын деткимчениң хемчээли 38,5 хуу чедир өзүп, 410,4 сая рубль болган. Үш муң ажыг өг-бүлелер социал керээлер-ни чарып болур апаар.

Көңгүс чоокта чаа РФ-тиң Чазaa програм-маже өскерлишкиннерни киирген. Ам со-циал керээниң акша-хөреңгизин хууда ду-залал ажыл-агыйын хөгжүдеринге чарып болур апарган. Керээ чарган өг-бүлелер бодунуң хууда дузалал ажыл-агыйын хөгжүдеринге 100 муң акшаны углап бо-лурлар.

Күш-ажыл болгаш социал полити-ка яамызы кыска хуусаада болур чо-гуур хоойлу-дүрүм актызын бадыла-

gov.tuva.ru

ХӨЙ-НИИТИЧИЛЕРНИҢ КИЧЭЭНГЕЙИНДЕ

Тыва Республиканың хөй-ниити палатазының айыгышкыны-биле Тес-Хем кожуунда хамчыктыг КОВИД халдавырлыг аарыгга удур Тес-Хем кожууннуң суму бүрүзүн хынаан, шко-ла, уруглар садтарын, культура одаан, албан черлерин хынааш, камгалал херекселдери барын комиссия эки деп демдеке келгеннер.

Сумуларның даргаларын, баштыңнарын, депутаттарын, херээженнер чөвүлелиниң, адалар чөвүлелиниң кижигүннерин, активти чыггаш чугааны кылган түннелинде четпестерни чайладырын активке дааскан.

Школаларда өөреникчилерни изиг аъш-чем-биле хандырылганын хынаан түннелинде чаа хевирниң күштүг электроплиткалар электри күжүнүң четпейн турарындан ажылдавайн турар, суугуда аъш-чем кылып турарлар. Поварлар четикпезинден оларга башкылар дузалажып турар. Суму бүрүзүнге школаларына аяк-сава чуур бир ажылчын олут негеттинип турар. Самагалтайның дугаары бир долун ортумак школазының аъш-чем кылып турар чери эргижирээни-биле айыылдыг байдалды тургузуп турар, капитал септелгени кылдыраар негеттинип турарын комиссия көргөн.

Комиссияның кижигүннери: хөй-ниити палатазының Тес-Хем кожуунда кижигүнү Какпак Яков Бырайынгаевич, кожууннуң херээженнер чөвүлелиниң даргазы Оюн Розалия Давааевна, кожууннуң адалар чөвүлелиниң даргазы Дагба Марат Викторович, аныяк гвардияның төлээзи Уржанай Айсан Витальевич, «Россияның чаңгыс демниг» партияның кижигүнү Соян Байлакмаа Каадыровна, кожуун чагыргазының өг-бүле болгаш ие-чаштар харыылаар кол специализи Дагба Алдын-кыс Хүрен-Дашовна.

Комиссияны сумуларже сургакчылап

Яков Какпак
Хөй-ниити палатазының
Тес-Хем кожуунда кижигүнү

Таныштырылга: Какпак Яков Бырайынгаевич Хөй-ниити палатазының Тес-Хем кожуунда кижигүнү бооп ажылдап турар, ол 1963 чылдың октябрь 13-түн хүнүнде Каа-Хем кожууннуң Суг-Бажы суурга төрүттүнгөн.

1981 чылда Самагалдайның ортумак школазын дооскаш, 1981-1983 чылдарда шериг херээн Казахстанның «Байконур» ракета кезээнге эрттирген. Оон Самагалдайның орук-тудуг-септелге участогунга орук ажылчыны бооп ажылдаан. 1986-1989 чылдарда Кызылдың авто-орук техникумун дооскаш, техник-тудугжу деп мергежилди чедип алган. 1989-1994 чылдарда Самагалдайның орук-тудуг-септелге эргелелинге орук мастери бооп ажылдаан. 1994-2009 чылдарда Тыва Республиканың айыыл чок албаның Тес-Хем кожуунда салбырынга таңныыл-одакчы бооп ажылдаан. 2009-2017 чылдарда Самагалдайның №2 ортумак школазынга таңныыл-одакчы бооп ажылдааш, хүндүлүг дыштанылгаже үнгөн. Өг-бүлелиг, 4 ажы-төлдүн, 10 уйнуктарның ачазы, кырган-ачазы.

Тыва Арат Республиканын тургустунганындан бээр 100 чылынга

САМАГАЛДАЙ-ТЫВАНЫҢ ТӨӨГҮЗҮНҮҢ ЧАРЫЛБАС КЕЗЭЭ

Төрөл билбес түрээр
Төөгү билбес төөрээр.

Самагалдай дээрге бистиң төөгүвүс. Ол бурунгу Тываның найысылалы, шажын-чүдүлгениң баштайгы төвү.

248 чыл бурунгаар тос кожууннуң чагыргазы Амбын-Ноянның өргээзи, ооң башкы таңмазы болгаш төре-херээ баштаар чери 1921 чылга чедир Самагалдайга турганын төөгү бадыткап турар. Төөгүнүң номун ажыдар болза амбын-ноянның чагыргазына Хуралмайның ызыгуур салгалы Дажыдан эгелээш, оглу Данзын, Седенбал, Бадыжап, Бадыжаптың акызы Ламажап, ооң дунмазы Шындазын, ооң оглу Өлзей-Очур, Өлзей-Очурнуң оглу Комбу-Доржу, Комбу-Доржунуң оглу база сөөлгү Амбын-ноян Содунам-Балчыр Тываны 160 хире чыл иштинде чагырып келген. Чызааның чагырыкчызы административтиг (албан дужаалдың) айтырыгларын, мээрен-суд, иштики болгаш даштыкы харылзаалар айтырыгларын, хаалар-хүн бүрүнүң онаалга-даалгаларын харыылап күүседир хүлээлгелиг турган.

Амбын-нояннарның эрге-чагыргазының үезинде Тываның бүгү кожууннарының аразында экономика болгаш садыг талазы-биле харылзаазы калбарып, тыва улус тускай девискээрлиг, дылдыг, тускайлаң культуралыг, национал овур-хевирлиг чаңгыс аай чон болу берген.

Амбын-Нояннарның мерген угаанының ачызында Россияның хайгааралының адаанга кирер дугайында чөптүг шийтпир 1914 чылда маңаа-Самагалдайга хүлээп алдырган. Келир үеде Тыва күрүнениң эге таваа оон эгелээн. Тывалар аңгы тускайлаң нация апарган деп демдеглес арга чок. Россияның орус болгаш өске-даа улустары-биле Тываларның 17 вектен 21 векке чедир харылзаазы калбарып, быжыккан деп болур.

Самагалдайның болгаш чер-чурттуң, хүрээ-хииттиң ээзи база ие бойдуштуң чаялгасындан төрүттүнгөн Теве-Хая бо бүгү төөгүнүң чугула херечизи ол деп болур.

Азията Бадыраа
Александр Шоюн аттыг кожууннуң
төп ном саңының специализи

ЧЫРГАЛАНДЫ СУМУЗУНГА ШАГААНЫ БАЙЫРЛААНЫ

Тес-Хем кожууннуң Чыргаланды сумузунга чаа онзагай чаңчыл–суурнуң улуг төрөл аймактары Шагааны эртирер апарганындан бээр дөрт чыл болуп турар. 2018 чылда Иван Дондунович, Өнермаа Кежик-Чыргаловна Сувандиилерниң көвей ажы-төлү, 2019 чылда Чооду Намдалович, Чедей Хурагандаевна Баткарларның салгалдары, 2020 чылда Минчейлерниң салгалдары Шагааны сумувус чону-биле байырлааннар.

2021 чылда Күске чылын үдеп, Инек чылын уткуур аас-кежик Эртинелерниң улуг төрөл-аймаавыска таварышкан. 2020 чылдың октябрь айда хуралдааш, каш акшаны чыырын чугаалашкаш, февраль айда болур Шагаага белеткенип кирипкен бис.

Беш халышкының чаңгыс арткан улуг киживис, ачавыс, кырган-ачавыс Эртине Делгер-оол Эренчиновичиниң улуг угбазы (Эртине) Екатерина Эренчиновна, Симчит Дивиевичиниң Оюннарның, акылары Серен Эренчинович, Севилбаа Бавуевна Эртинелерниң, Барый-оол Эренчинович, Санаймаа Чымчаковна Эртинелерниң, кыс дунмазы (Эртине) Евдокия Эренчиновна, Думбуу Павлович Балданайларның ажы-төлү чыгылып чонувуска бараан болуп, ойнап-хөгледивис.

5 халышкының ажы-төлү чаңгыс кижиге демниг, найыралдыг, ёзулуг угбашкы, акышкы бис деп, чараш кылдыр ажилдааннар. Улуг байырлалды эрттирерде эвээш эвес акша херек, мөөрейлерге мындыг шаңналдар кылыр бис дээш, санаптарывыска хей-ле акшаны чыыр апарган бис. Кыдыынга арткан кижиге чок, студент уругларывыс безин чыып турар акшаларга немей акшаларны салып, үлүүн киригеннер. Шаңнал белектери садып, аъш-чем кылып, чаңгыс эвес кежээлерде суурда улустарывыс, хоорайда база манчыларны кылып, тудуп, каттыржып, хөөрежип демнешкен бис.

Клубка төрөл аймаавыстың дазыл ыяжын кылып, ада-өгбелеривиске мөгейигни кылып, чонувуска боттарывысты мындыг аймак бис, төрөлдер бис деп, тайылбырлап, бүдүн хананы долдур 5 халышкының ажы-төлү бис деп сонуургаткан бис. Аймаавыстың бир солун кылган, чаа чүүлү – аймактар аразынга шилчип чоруур кубокту чогааткаш, 2022 чылда Шагааны эрттирер Баржайларның төрөл-аймаанга Эртинелер төрөл аймааның улуг өгбеси Делгер-оол Эренчинович тутсуп берген.

Шагаага тураскааткан байырлал ийи хонук уламчылаан. Февраль 11-де 17 шактан эгелеп Сергей Ланзы аттыг көдээ культура одаанга сумувустуң чону янзы-бүрү мөөрейлерге ачыр-дачыр тулчуп-ла турганнар.

Кежээ кажык маргылдаазынга ниити

28 ойнакчылар аъттарын чарыштырып киришкеннер. 1-ги черни Севилбаа Нарнэ Альбертовна, 2-ги черни Кунаа-Сиирин Александра Анатольевна, 3-кү черни Севил Мирослав Адисович – шаңналдары янзы-бүрү термостар.

Даалы оюнунга 8 команда киришкеннер. 1-ги черни «Даалыжылар» - команданың кежигүн бүрүзү даалы болгаш портативтиг газплита-биле шаңнатканнар. 2-ги черни «Сайзана» командазы алгаш спортчу оюн херексели чаалап алганнар. 3-кү черни «Белек» командазы ээлээш, туристчи набор-биле шаңнатканнар.

Шыдыраа маргылдаазына 10 ойнакчы киришкеннер. 1-ги черни Болат-оол Кежик - шуруповерт, 2-ги черни Чыргал Эрес - 20 метр удлинитель, 3-кү черни Монгуш-оол Никита – портативтиг газ плита.

“Тыва хевим чоргааралым” деп өг-бүлелер аразынга болуп эрткен мөөрейге 1-ги черни алган Олча, Менди-Белек Оюннарның өг-бүлези электрилиг даараныр машина, 3 метр торгу-биле шаңнаан. 2-ги черни Анай-Хаак, Начын Бодаалайларнын өг-бүлези электрилиг паш, 3 метр торгу. 3-кү черни алган Лина Каадыровна, Байыр Барый-оолович Балданнарның өг-бүлези электрилиг эт тырттар машина, 3 метр торгу. 4-кү черни Айраш, Павел Балданайлар өг-бүлези илиир, электрилиг чайник шаңналдарны алганнар.

Мөөрейлерниң аразында чапсарда Тывавыстың төөгүзүндөн айтырылгарга чонувус харыылап, сонуургалы оттуп, шупту киржип, идепкейлиг болганнар.

Панчык оюнунга ниитизи-биле 16 ойнакчы киришкен, 1-ги, 2-ги черлерни чаалап алгаш, өртектиг барааннар-биле шаңнатканнар.

Хүреш маргылдаазы 18 шыырак мөгелерниң аразынга болуп эрткен хүрешке 1-ги черни Эренчин Начын, Белдир-Арыг – ирт болгаш улуг фонарь, 2-ги черни Сагар Бады-Мөңге, Ак-Эрик – ирт болгаш улуг фонарь, 3-кү черни Сарыглар Болат, Самагалтай – ирт, 4-кү черни Эренчин Суредж, Белдир-Арыг -серге шаңналдарны алганнар. Чараш арга дээш Увангур Эртине мангал-биле, чараш девиг дээш Ынаалай Түменни база мангал-биле шаңнаан.

Болат-оол Кежик Анай-оолович хүреш маргылдаазын солун кылдыр чарлап эрттирген. Четтиргенивисти илередип, хол белээн сөңнээн бис.

Кожамык мөөрейинге 1-ги черни Сидоо Сунурай-фен, 2-ги черни Самдарак Менди Сириповна-щетка-фен, 3-кү черни Бадарчы Чечена Балзыевна–выпрямитель биле шаңнатканнар.

Бардам мөөрейинге оолдар аразынга

Самдарак Байыр Омакович, херээжен улус аразынга Долзат Елена Анатольевна 1-ги черлерни алгаш, чылыг коорганнарны шаңналга алганнар.

Дунмавыс Байыр Анатольевич Эртине, база өске дунмавыстың өөнүң ишти, кернивис Өнермаа Олеговна Миндирья хөгжүмчү эштери-биле келгеш, тыва инструментиленге тыва ырыларны кайгамчык кылдыр ойнап, ырлап бергеш, чоннуң хей-аъдын көдүргеннер.

Февраль 12-де сумувустуң Авай даанга мөөрейлер, оюннар үргүлчүлээн. Чонну соокта донмазын дээш тыва улустуң самы «Челер-Ойну» улуг-биче чон шупту самнаан.

«Ак-ыяш чажыра» деп оюнга 4 команда киришкен. Негелде аайы-биле 3 эр, 3 херээжен кижиге бир командага бүрүткелди эрткеннер. Тиилекчилерни өртектиг хол белектери-биле шаңнаан.

Тевек маргылдаазына 1-ги черни Нурзат Дамба Доржуевич 131 катап тепкеш тиилеп, өртектиг хол белээн алган.

Канат тыртар мөөрейге 6 команда киришкен. 1, 2, 3-кү черлерни алган командаларны өртектиг хол белектери-биле шаңнаан.

Чагы бажы үнер маргылдаага ниити 10 кижиге киришкен. Фонарь, илиир, 10 кг. чигир, 10 кг. рис крупа, 10 кг. далган, болгарка, удлинитель, ваза, фонарь дээш оон-даа өске өртектиг белектерни киржикчи бүрүзү алган.

Аъттың болгаш мунукчунуң дериг-херекселиниң көрүлдезинге 7 киржикчи киришкеннер. 1-ги черни Ак-оол Санчай Артурович–эзер,чүген, чуларны шаңналга алган, 2-ги черни Хураган Аржаан Григорьевич–бензопила хирээ-биле шаңнаткан, 3-кү черни Ак-оол Чочагай Артуровна–шуруповерт, 4-кү черни Севилбаа Кудерек Байырович–хол белээ, 5-ки черни Комбу Айдаш Эртинеевич - хол белээ, Нурзат Буян-Бадыргы хол белээн алганнар.

Аът шалбааар, сыдымнаар маргылдаага ниити 35 кижиге киришкеннер. 1 ги черни Даржап Өөлөт Херелович алган. Шанналы -аъттын дериг-херексели чүген, чулар, сыдым.

Даг кырынга ийи өгнү тип, келген чонувусту шайлаткан бис.

Шагаа-выстың аалчызы Саяна Кежиковна Натпит-оол уйнуу-биле келгеш, сумувустуң хей уругларлыг өг-бүлөгө бээр кылдыр, хойну берген. Ийи хонганда уйнуу-биле Саяна Кежиковна хойну эккеп бээрге, Севилбаа Альберт Серен-оолович 4 ажы-төлдүг, Эренчин Сайдаш Бугалдаевич 6 уругларлыг, Чараш-оол Салбакай Хереловна, Даландай Алексей Алексеевич 3 ажы-төлдүг, хойну мынчаан

мөчүлөп үлөшкеннер.

Кандыг-даа кижиниң байы–уруглар. Хей ажы-төлдү кызымак өстүрүп чоруур сумувустуң 16 хей ажы-төлдүг өг-бүлелеринге төрөл-аймаавыс амданныг торттарны Шагаа байырлалы-биле сөңнээн бис. Торттарны Кызыл-оол Светлана Ивановнаның уруу садып деткиччилээн. Шокар-оол А.А.,Соян С-С. Э., Ак-оол А.С., Монгуш С.Я., Баланай Ч.Ч., Чамзын-оол У.Т-М., Дуурун С.А., Нурзат Б.Д., Долзат Е.А., Сырат А.В., Комбу Ч.В., Дугар-оол А.Ч., Матсыл М.С., Сидоо С-Д.С., Нурзат А.Д., Дугур А.М.

Шагааның бир чараш чаңчылы–чолукшууру. Сумувустуң 28 хоочуннарын-га Эртинелер төрөл-аймааның тускай чагыткан шылырааш хавынга чылыг, чымчак пледтерни, амданныг, чигир-сиг чемни бичии хаптарга суккаш, улуг кижилеривисти өөртүп тудускан бис.

Шагааны чонувус-биле каткы-хөглүг, ойнап, хөглөп тодуг-тогаа Инек чылын уткуп алдывыс.

Тывавыстың, кожуунувустуң, суурувустуң, сумувустуң чырыткызы академик, төөгү эртемнериниң доктору, быжыг эртем билиглиг чаңгыс чер-чурттуувус Юрий Лудужапович Аранчинның угаанныг, өөредиглиг сөстери, чагыг-сүмези, йөрээли-биле төндүрерин чөпшээрер көрүңер.

Тыва чонумга!

Чаа чылда быжыг кадыкшылды,
Үре – түңнелдиг үүле – ишти,
аас – кежиктиг

Чуртталганы күзевишаан бурун түрктөрниң
Мындыг үлегер домактарын
Чонумга, ылаңгыя аныктарга,
бараалгадыйн:

«Билиг–байлак, билиг турда яды болбас,
Билиини–оор–даа, мегечи–даа хунаай
албас;

«Кижизиг чорзун дээш кижээ ат бээр,
Кижизии–биле кижиге адын көдүрер».

«Эртем – билиглиг
Эптиг - демниг
Чүткүл сорукуг
Сүлдө – сүзүктүг
Экиге буянын
Эрбөнгө харыылыг
Домаан чидирбес
Доткарга алдырбас – ла болзунам!
Курай! Курай! Курай!
ТЫВА ЧЕРИМ!
Эртине байлактыг
Элбек дүжүттүг
Суггат – суунуг
Суггур чаъстыг
Кадыр оъттуг
Каң сүрүглүг
Аян шинчилиг
Аяс дээрлиг болзунам!»

Курай! Курай! Курай!

Эртинелерниң төрөл-аймаа

50 ЧЫЛ БУРУНГААР БЕРТ-ДАГГА ШАГААНЫ УТКААНЫВЫС

чыл байырлалы билбес турдуvus.

Чогум шору улгадып келгеш, Хөлбең иремниң аалынга Шагааны эртирип турганын көргөн мен. Малчыннар черле Шагааны бүдүү эртирер турганнар.

1968 чылда институт соонда «Тес-Хем» совхозунга инженерлеп турган мен. Элээн ажилдап чорумда мени тускай эртемниг, аныяк партия кежигүнү дээш механизаторларның партия эге организациязының секретарына соңгуп каан.

Кол инженеривис Мунзук Чөмбүрүк, МТМ эргелекчизи Чооду Сюров, көдээ ажил-агыны механизастаар механик–мен, мал ажилын - Седип-оол Чагар-оол, гараж эргелекчизи Ким Ондум, автомеханик Арапчор Маадыр, «Техниктиг дуза» машиназынын чолаачызы, мастер-нала-чик Шоюн-оол Ооржак, электрик Эрес-оол Чорбаа олар аажок демниг ажилдап турган бис.

1969 чылды өөрөнгөн чаңывыс-биле клубка хей чон-биле Соок-ирейлиг, Харжыгаштыг, оюн-тоглаалыг уткудуvus.

Берт-Дагның улуг назылыг улустары, ылаңгыя малчыннар-биле чугаалажып чоруурга, Чаа чыл ам-даа үнмээн, шаг

экизи ам-даа элек. Мындыг соокта тывалар Чаа чыл уткуп чорбаан. Ол болза орус ёзу-дур дээр улус болган.

«Ажы кыш төнмээнде Чаа чыл деп чүңер чүвөл?»- деп кижини чемелей бээр улус болган. «Мал-даа, кижиге-даа шагның экизин, каазын көрүп тур-гаш, чылыг үе–час дүжүп кээрге ону демдеглээр болгай»- деп, бо-ла.

Оңгак Кууларның «Шагаа» деп чүүлүндө «Соок кыштын ужуу даглар ажилдыр союлду. Соок тыныштыг мал ээгилерин хүнге дөгөп, ооргазы хөндүрүлдү. Эки үелерниң эгези чаларап келди. Аа сүт элбээр, ак чем көвү-дээр. Ажы-төл амыраар, анай-хураган коданга дешкилээр»-дигени, Берт-Дагның ынчангы хоочуннары Хөлбең ирем, чоннуң хүндүткелдиги-биле «Арат чон» деп адаары суму даргалап чораан Чооду Самбыл, фронтучу Аракчаа, Довуу эмчи оларның меңээ чугаалап турганы-биле дөмей-дир.

Оларның сүмези-биле 1969 чылдың Шагаазын гаражка эртирген бис. Хей кижиге-даа чок–механизаторлар, чолаачылар, инженер-техниктиг ажилдак-чылар, совхозтуң рабочком даргазы-

Бо чылдың №2 «Шын» солунда Шагаа байырлалын 90 чылдарда Тывага канчаар баштай бүгү чон-биле демдеглөп эгелээниниң дугайында Владимир Ооржактың «Хавырга даанга», Оңгак Кууларның «Шагаа» деп чүүлдерин сонуургап номчааш, аңаа немештир бодумнуң сактышкынымны солунче чоруттум.

«Өгбелерниң адаары Шаг-Аа, Шаг-үе, Аа-эге сүт. Мал азырап, чурттап чораан көшкүн чоннарның кышты үдээн, чылдың эки үелериниң эгези-часты уткаан байырлалы»-деп Оңгак Кууларның бижээни аажок шын.

Мээң школага өөренип чораан үем-1950-60 чылдарда Шагаа дугайында башкыларывыс чаңгыс сөс-даа этпес, солунга-даа үнмес чүве ийин. Чогум хоруп каанын билбес бис. Аңаа көөрдө тевек теверин башкыларның хоруп кээрин көрүп пат болган бис, чүге дизе тевек тепкен дээш хемчег алзып, учительскаяга «тургустуруп» тургулаан бис. Ынчан бичии оолдар аажок тевектээр турган.

А Чаа чыл деп чараш байырлалда клубка суурнуң чону-биле Ёлка долган-дыр ойнап, ырлап, шүлүктээш, Соок-ирейге конфет-биле шаңнадыр дээш дыка-ла кызар турган бис. Оон өске Чаа

Совет Эвилелиниң Маадыры Чүргүй-оол Хомушку, чалап алганывыс Чамдыылай ирей, малчыннар Чавырык, Баян, Далаа Чооду (Дадар) болгаш өскелер-даа.

Ашактарның Шагаа дугайында солун чугааларын дыңнап, хендирбе сый шанчар, тевек тевер, чаг чип маргыжар оюннарны эртирдивис.

Ам бодап, сактып оорарымга ол үениң кижилериниң тевек тевери дендии турган-дыр. Кижиге бүрүзү тевер, каш янзы арга-биле теп, чамдык оолдар 200 чедирип турду. Сундуй Дайынчы, Далаа Хая, Оюн Дөрт-оол, Дыртый Виктор, Күнзек Сезеней, Арапчор Казак олар тевекти черге «дүжүрбейн» турдулар.

Бо үениң «тевекчилерин» оларга канчап деңнээр боор! Чаа өөренип турар «чаштар» ышкакжыл!

Хендирбе шанчары кончуг солун болгаш чижилгелиг болган. Ак-Эриктен дайын киржикчизи, алдарлыг тежежи Дөнчүн Михаил Кумаевичиниң ыдыктап, кызыл пөс баглап каан шаңналдыг теве хендирбези келген.

Ол хендирбени Ак-Эрикке, «Сельхозтехникага», Чодураага улус сы шаап чадап каан деп, борбак кара апарган хендирбе келген.

(Эгези. Төнчүзү 4-кү арында)

(Төнчүзү. Эгези 3-кү арында)

50 ЧЫЛ БУРУНГААР БЕРТ-ДАГГА ШАГААНЫ УТКААНЫВЫС

Кончуг шыырак хендирбе шанчар эрлер –Дажы Шыңгаабоо, Чаткар Белек-оол, Сумучу Санаа («Тонн-Санаа»), бригадир Дыт-оол Даваа, Шойдак Политик суглар чадажып каан. Ынчаар орта Алдачы Хуналдырны аалындан сүрдүрүп эккелгеш тутсурга, 2-3 үрелдежип тургаш сы шаапкан болбазыкпе. Чогум хендирбе сынып, чаштай бербээн -анаа эгли берген! Көөрүвүске ортузунче 10 сантиметрниң кадаан киир шаап каан болган, ынчангаш эрлер чадажып турган болган! Ынчалдыр Хуналдыр хамык шаңналды алгаш барган! А чаглыг эът чиир маргылдаага Парый акым (Оюн Парый-оол) бир дөмбүң чагны «арылдырыпкаш», тиилекчи болган ийин. Каш хонганда парткомга мени Шагаа эртирген дээш хемчег алыр деп барган. Сайгарып кээрге Маадырывыс база аңаа киржип турган болган.

Ооң-биле кады Шериг хүнү-февраль 23 база келген турган. Совет Эвилелиниң Маадырын Шериг хүнүнде хемчег алыр эвес-«херекти» соңгаарлаткан. Ынчап турда Март 8-Херээженнер байырлалы база чоокшулап келген...

Ол хевээр бисти парткомче келдирт-пээн. Ынчан партком секретары Хертек Дортай Шалааевич турган. Ол угаанныг, улуг дуржулгалыг дарга-ла болгай, байдалды билип, ужур эдертип турганы чадавас. Ынчаар-ла өршээл болуп,

Чүргүй-оол Намгаевичиниң ачызында яладан чайлаан мен.

Директорувус Начын-оол Доңгакович Балчый-оол–Улан-Удэге кедээ ажыл-агый институтунга кады өөренип турган эживис. Ол «Советтиг Тыва» совхозунче директорлап чоруй барган Павел Ховалыгович Балчыр-оолдуң орнунга чаа-ла ажылдап келген турганы ол. Оон ол совхозка үр-даа, үре-түңнелдиг-даа ажылдаанын тес-хемчилер эки билир.

Төөгү-дүр ийин. Назы-харым дөгүй берген кижиге болгаш бо 2021 чылдың Шагаа бүдүүзүнде кады ажылдап чораан эш-өөрүмнү дүүнгү дег сактып, оларның чаптанчыг аажы-чаңнары, арын-шырайлары караамга көстүп кээрге меңээ эргим, таптыы аажок болду.

Шагаа-биле эш-өөрүм, улуг-биче чонум! «Мал кыштаглаашкынын канчап онча-менди эртирип аарыл, «алдын» ертектиг хөмүр-биле канчап кыш ажып алырыл?»-деп айтырыг хөй кижини дүвүредип турар. Шыдажып-ла көрүңер!

Инек чылында «чылгапкан» дег Ишти ирик коронавирус арлы берзин! Ковид бисче халдавазын, Космосче арлы берзин! Өршээ! Шуптувуска кадыкшылды күзөдим!

Кара-оол Лапчаа,
Каа-Хем суур

ИНФОРМАЦИЯ
О СОСТОЯНИИ АВАРИЙНОСТИ НА ТЕРРИТОРИИ ТЕС-ХЕМСКОГО КОЖУУНА
И О РЕЗУЛЬТАТАХ ОПЕРАТИВНО-СЛУЖЕБНОЙ ДЕЯТЕЛЬНОСТИ
ОГИБДД ЗА 12 МЕСЯЦЕВ 2020 ГОДА

Состояние аварийности на обслуживаемой территории за 12 месяцев 2020года. Совершено-9 (-35,7% АППГ-14), погибло – 3(-50,0%АППГ- 6), ранено –20(-5,3% АППГ-19), по вине водителей в нетрезвом состоянии -2 (-75,0% АППГ-8). Тяжесть последствий 13,0 (АППГ-24,0).

По детскому дорожному травматизму.

Совершено дорожно-транспортных происшествий – 1(-75,0% АППГ- 4), погибло 0 (0,0% АППГ- 0), ранено 4 (0,0%АППГ- 4).

По исполнению административного законодательства ОГИБДД МО МВД РФ «Тандинский» за 12 месяцев 2020 года.

В ходе надзора за дорожным движением выявлено 5252 (-12,9%, АППГ - 6030) нару-шений в области обеспечения безопасности дорожного движения.

За управление транспортными средствами в состоянии опьянения задержано 227 (274) водителя, в том числе: по частям 1 и 3 статьи 12.8 КоАП РФ – 103 (-29,5%, АППГ –146) человек; за отказ от прохождения медицинского освидетельствования (статья 12.26 КоАП РФ) -124 (-0,8%, АППГ – 125), *а также по части 3 статьи 12.27 КоАП РФ (невыполнение требования ПДД о запрещении водителю употреблять алкогольные напитки, наркотические или психотропные вещества после ДТП, к которому он причастен, либо после того, как ТС было остановлено по требованию сотрудника полиции ...) – 0* (-100,0% АППГ - 5).

По материалам, направленным в суды лишены права управления транспортными средствами 76 водителя, в том числе с вынесением штрафа – 76. Подвергнуто админи-стративному аресту –89 *участника дорожного движения*. Также получено постановлений из судов: о наложении штрафа – 20; о прекращении –15; о назначении обязательных работ –8.

За неуплату административного штрафа по части 1 статьи 20.25 КоАП РФ собрано 3 (-72,7%, АППГ-11) материалов, по ним: оштрафовано 0 *участников* дорожного движения; *обязательные работы назначены* - 3 лицам. В службу судебных приставов направлено 2292 постановления для взыскания административных штрафов. Наложено штрафных санкций на общую сумму 6214100 рублей, при этом взыскано 6107600 руб., взыскаемость составила 98,3%.

В ходе надзора за дорожным движением выявлено 582 (24,6%, АППГ -467) нарушений в области обеспечения безопасности дорожного движения.

За управление транспортными средствами в состоянии опьянения задержано 30 (АППГ – 39) водителя, в том числе: по частям 1 и 3 статьи 12.8 КоАП РФ – 15 (-25,0%, АППГ –20) человек; за отказ от прохождения медицинского освидетельствования (статья 12.26 КоАП РФ) -15 (-21,1%, АППГ – 19), *а также по части 3 статьи 12.27 КоАП РФ (невыполнение требования ПДД о запрещении водителю употреблять алкогольные напитки, наркотические или психотропные вещества после ДТП, к которому он причастен, либо после того, как ТС было остановлено по требованию сотрудника полиции ...) – 0* (-100,0% АППГ - 1).

По материалам, направленным в суды лишены права управления транспортными средствами 14 водителя, в том числе с вынесением штрафа – 14. Подвергнуто админи-стративному аресту – 16 *участника дорожного движения*. Также получено постановлений из судов: о наложении штрафа – 1; о прекращении – 5; о назначении обязательных работ –4.

За неуплату административного штрафа по части 1 статьи 20.25 КоАП РФ собрано 0 (0,0%, АППГ-1) материалов, по ним: оштрафовано 0 *участников* дорожного движения; *обязательные работы назначены* - 0 лицам. В службу судебных приставов направлено 2292 постановления для взыскания административных штрафов. Наложено штрафных санкций на общую сумму 828700 рублей, при этом взыскано 672500 руб., взыскаемость составила 81,2%.

ЭЖИШКИЛЕР

Шынчы ынакшыл-эжишкилер найыралы. Кара чажындан сайзанактап ойнап өскөн эжи турар. Бүгү назынында кожа чурттап, бот-боттарынга дузалажып, хар назыны дөгүп, кырыыр назынга чедир найыралдыг эжишкилер база турар.

Оларга Эмма Чорбааевна биле Вера Суваковна хамааржыр. Чайның чаагай үези келирге Эмма Чорбааевна туристеп, хөлдеп, курортап чоруптар, а Вера Суваковна бажынын кадарып чыдып каар. Мен оларнын найыралын дыка чаптаар мен.

Бир-ле мындыг болган таварылганы бижикседим. Эрткен күзүн Эмма Чорбааевна бажыңга хүлүмзүрүп алган кирип келген:

-Кызыл кирип чордум. Бажыңымны Вера Суваковнага кадартып каан мен. Кызылда оглум бажынынга бир эртен олурумда Суваковна долгап келди «Эжим, бажыңыңче оор кирген, веранданың соңгазының пөзү хадып тур»-дидир.

-Сеңээ чагып каан мен, сен харыыла. Полицияже долга- дидим.

Кыстай Баазан
с.Самагалтай 14.02.2021 ч.

«ТУГЛУГАНЫҢ» ХООЧУННАРЫНГА

«Туглуганың» хоочуннары- мөңгүннерим!
Тура душпейн, ам-даа бурунгаар!
Эртен эрте туруп келгеш чажын чажып
Эки сөстөр, йөрээлдерин сөңнеп турар
Эреспейлер, чаптанчыглар мөңгүннерим!

Силер- биле сүзүүм чаңгыс
Силер-биле сөзүм чаңгыс
Силер-биле базымым чаңгыс
Силер-биле туружум быжыг!

Кыстай Баазан
с.Самагалтай 14.02.2021 г.

ИЗВЕЩЕНИЕ

Администрация муниципального района «Тес-Хемский кожуун Республики Тыва» сообщает о возможности предоставления земельных участков из категории земель населенных пунктов на условиях аренды:

-общей площадью 622 кв.м., с кадастровым номером 17:12:0501013:352, расположенного по адресу: Российская Федерация, Республика Тыва, Тес-Хемский район, с.Берт-Даг, ул. Башкы, д. 19, разрешенное использование – предпринимательство;
-общей площадью 874 кв.м., с кадастровым номером 17:12:0701010:380, расположенного по адресу: Российская Федерация, Республика Тыва, Тес-Хемский район, с. Бельдир-Арыг, ул. Оюн Кеский-оол, д. 39 «а», разрешенное использование – для индивидуального жилищного строительства.

Лицам, заинтересованным в предоставлении данного земельного участка, в течение 30 дней со дня опубликования и размещения настоящего извещения необходимо подать письменные заявления о намерении участвовать в аукционе на права заключения договора аренды земельного участка по адресу: Республика Тыва, Тес-Хемский район, с. Самагалтай, ул. А.Ч.Кунаа, д. 58, каб. 201, Отдел по управлению муниципальным имуществом, земельным отношениям и градостроительству администрации Тес-Хемского кожууна Республики Тыва.

Силикей А.
Начальник специалист ОУМИЗОИг
Администрации Тес-Хемского кожууна

ИЗВЕЩЕНИЕ

Администрация муниципального района «Тес-Хемский кожуун Республики Тыва» сообщает о возможности предоставления земельных участков из категории земель сельскохозяйственного назначения на условиях аренды:

-общей площадью 303697 кв.м., с кадастровым номером 17:12:1203001:81, расположенного по адресу: Российская Федерация, Республика Тыва, Тес-Хемский район, северная окраина с. Шуурмак, разрешенное использование–для ведения сельскохозяйственного производства;

-общей площадью 500000 кв.м., с кадастровым номером 17:12:1203001:204, расположенного по адресу: Российская Федерация, Республика Тыва, Тес-Хемский район, с.Бельдир-Арыг, местечко «Артыы-Шол», район с. Шуурмак, местечко «Бай-Даг», разрешенное использование – для животноводства;

-общей площадью 1000000 кв.м., с кадастровым номером 17:12:1101004:3, расположенного по адресу: Российская Федерация, Республика Тыва, Тес-Хемский район, с. Берт-Даг, местечко «Талдыг-Аксы», разрешенное использование – для животноводства;
-общей площадью 500000 кв.м., с кадастровым номером 17:12:1320002:114, расположенного по адресу: Российская Федерация, Республика Тыва, Тес-Хемский район, с. Ак-Эрик, местечко «Кызыл-Уш», разрешенное использование–сельскохозяйственное использование;

-общей площадью 400000 кв.м., с кадастровым номером 17:12:1002004:26, расположенного по адресу: Российская Федерация, Республика Тыва, Тес-Хемский район, с.О-Шынаа, ме-стечко «Булажылыг-Аксы», разрешенное использование–для животноводства.

Лицам, заинтересованным в предоставлении данного земельного участка, в течение 30 дней со дня опубликования и размещения настоящего извещения необходимо подать письменные заявления о намерении участвовать в аукционе на права заключения договора аренды земельного участка по адресу: Республика Тыва, Тес-Хемский район, с. Самагалтай, ул. А.Ч.Кунаа, д. 58, каб. 201, Отдел по управлению муниципальным имуществом, земельным отношениям и градостроительству администрации Тес-Хемского кожууна Республики Тыва.

Силикей А.
Начальник ОУМИЗОИг
Администрации Тес-Хемского кожууна

«САМАГАЛДАЙ» Тургузукчузу: Тес-Хем кожуун чагыргазы. Үндүрүкчүзү: 667000, Тыва Республика, Кызыл хоорай, Щетинкина-Кравчен-ко кудумчузу, 1 Кол редактор: Сарыглар Э.С. Тургузукчунуң болгаш редакцияның адреси: 668360, Тес-Хем кожуун, Самагалдай суур, А.Ч. Кунаа кудумчузу, 58. gazeta.samagaltay@mail.ru			Харылзаа, информастыг технология болгаш массалыг коммуникация талазы-биле Федералдыг албанныңТывада хайгаарал эргелелинге 2012 чылдың сентябрь 19-та солунну бүртүткээн. Херчилели – ПИ № ТУ 17 - 00059.			Солун айда чаңгыс катап үнер. Хемчээли 2 парлаар ама. Тираж 650. Чагыг 5138 Номерни парлагаже дужааганы: график ёзугаар-11.00, херек кырында- 14.00 Солунну «Тываполиграф» ААН-ге парлаан (Кызыл, Щетинкин болгаш Кравченко,1) Солунда парлаттыгган материалдарның авторларының бодалдары редакцияның туружу-биле дүүшпейн барып болур. Айыткан саннары болгаш өске-даа фактылары, дыңнадыглары дээш авторлар боттары харыылаар.		
---	--	--	--	--	--	--	--	--